

MISCELLANEA HEMIPTEROLOGICA.

VI—VII.*

Scripsit Dr. G. HORVÁTH.

(Cum figuris duabus.)

VI. ASOPINÆ NOVÆ.

Discocera similis n. sp.

Ferrugineo-testacea, lobo postico pronoti, scutello et elytris obscure virescenti-æneis; capite dense punctato, jugis ubique æque latis, apice extus angulato-rotundatis; antennis, articulo basali excepto, nigris; pronoto apice et ad latera sat dense, disco postico autem minus dense punctato, marginibus lateralibus anticis fortiter sinuatis, angulis apicalibus in dentem latiusculum triangularem et distincte extrorsum vergentem productis, linea mediana obsoleta lobi postici angulisque humeralibus totis ferrugineo-testaceis; scutello creberrime et subtilissime punctulato, impressionibus lateralibus destituto; elytris basin versus distincte punctatis, cetero obsoletissime punctulatis, basi limbisque angustis laterali et apicali corii ferrugineo-testaceis, membrana nigro-fusca, apice late hyalina; tibiis anticis superne per totam longitudinem nigris, tibiis intermediis superne utrinque lineis duabus subtilissimis percurrentibus nigris notatis (tibiæ posticæ desunt). ♂. Long. 9 mill.

Columbia. (Mus. Hung.)

D. contemptæ SCHUM. valde affinis et simillima, sed jugis apice extus haud sensim rotundatis, angulis anticis pronoti distincte extrorsum productis, basi elytrorum, limbis laterali et apicali corii tibiisque fere totis ferrugineo-testaceis differt. A *D. ochrocyanea* LEP. SERV., quam structura jugorum et colore elytrorum appropinquat, articulis secundo et tertio antennarum totis nigris, lateribus pronoti fortius sinuatis, angulis apicalibus hujus extrorsum productis tibiisque saltem anticis ad partem nigris divergit.

* I—V. (Ann. Mus. Hung. IX. 1911. p. 327—338, tab. IX.)

Discocera nigra n. sp.

Corpore toto nigro; capite dense distincteque punctato, jugis apice extus sensim rotundatis; antennis et rostro nigris, illarum articulo quarto dimidio apicali flavo-ferrugineo, articulo quinto griseo-testaceo; pronoto sat remote, apice et ad latera densius punctato, marginibus lateralibus anticis fortiter sinuatis, angulis apicalibus in dentem latiusculum triangularem et nonnihil extrorsum vergentem productis, angulis humeralibus acutissimis; scutello dense subtilissimeque punctulato, nonnihil violascente, impressionibus lateralibus destituto; elytris obsolete punctulatis, tantum basin versus distinctius punctatis, membrana nigro-fusca, apice hyalina; pedibus nigris, tarsis (basi articuli primi excepta) flavo-ferrugineis. ♂. ♀. Long. 8—9 mill.

Peruvia: Marcapata. (Mus. Hung.)

A reliquis speciebus congenericis hactenus descriptis corpore, rostro et femoribus totis nigris, antennis apicem versus pallidis angulisque humeralibus pronoti acutius productis mox distinguenda.

Acanthodiscocera micans n. sp.

Superne virescenti-cyanea, nitida; capite, rostro et antennis ferrugineo-testaceis, harum articulo primo apiceque imo articuli quinti nigricantibus, articulo quarto, basi et apice exceptis, nigro; pronoto remote subtilissimeque punctulato, tantum prope marginem apicalem densius et distinctius punctato, limbo antico ferrugineo-testaceo, marginibus lateralibus anticis versus medium leviter sinuatis, angulis apicalibus parum prominulis; scutello remote et subtilissime punctulato; elytris fere impunctatis, tantum basin versus punctis subtilibus obsitis, membrana fusca, apice dilutiore; corpore subtus cum pedibus ferrugineo-testaceo, lateribus ventris viridi-æneis, spina ventrali usque ad coxas intermedias extensa. ♀. Long. 8 mill.

Peruvia: Pachitea. (Mus. Hung.)

A. *cayennensi* LAF. proxima, sed corpore subtus, capite, antennis fere totis, rostro, apice pronoti et pedibus testaceis, nec non spina ventrali coxas intermedias haud superante distincta.

Stiretrus septemguttatus GERM. var. *cardinalis* n.

Pronoto, scutello et elytris totis rubris, picturis nigris omnino destitutis. ♀.

Brasilia: S. Catharina. (Mus. Hung.)

Stiretrus atricapillus WESTW. var. *flavatus* n.

Lobo postico pronoti (marginibus angustissimis exceptis), maculis duabus minoribus mox ante medium et macula majore ad apicem scutelli elytrisque (basi excepta) flavo-testaceis. ♀.

Brasilia: S. Catharina, Espirito Santo. (Mus. Hung.)

Stiretrus (Stiretroides) impictus n. sp.

Obscure æneo-viridis, nitidus, supra sat remote et subtilissime punctulatus, corio pone medium fere impunctato; vertice puncto basali testaceo obsoleto et ægre distinguendo notato; antennis nigris; membrana fusco-nigra; rostro et pedibus atro-cyaneis. ♀. Long. 8 mill.

Peruvia: Pachitea. (Mus. Hung.)

A duabus speciebus hucusque cognitis subgeneris *Stiretroides* SCHOTT. pronoto, scutello et elytris totis impictis marginibusque ventris et spina ventrali concoloribus facillime distinguendus.

Ad hanc speciem pertinet verisimiliter etiam animalculum a piæ memoriæ viro G. BREDDIN ut femina *St. bifrenati* BREDD. descriptum (Wien. Ent. Zeit. XXV. 1906. p. 196). Femina speciei Breddinianæ, secundum specimen Musei Nationalis Hungarici e Peruvia oriundum, re vera iisdem picturis rubris et spina ventrali flava gaudet ut mas typicus.

Oplomus nigripennis DALL. var. *palliatu*s n.

Pronoto, scutello et elytris totis flavo-testaceis, immaculatis, tantum angulis imis basalibus scutelli nigris; ventre nigro, macula magna media basali lateribusque late flavo-testaceis; pedibus fusco-piceis.

Mexico. (Mus. Hung.)

O. salamandrae BURM. similis, sed notis specificis, nempe statura magis oblonga, capite flavo-guttato, maculis pectoris lateribusque ventris usque ad basin pallidis differt.

Oplomus dispar n. sp.

Niger vel nigro-fuscus, remote distincteque punctatus; capite plerumque croceo-bivittato, gutta basali verticis pallida, jugis tylo æque longis; pronoto maculis quatuor (duabus ad marginem apicalem unaque utrinque pone medium prope margines laterales anticos), gutta parviuscula discoidali mox pone medium angulisque humeralibus croceis (♂) vel fascia lata apicali flavo-testacea, remote fusco-punctata et angulis

humeralibus (interdum etiam margine laterali antico anguste) ferrugineo-testaceis (♀), angulis anticis acutiuscule prominulis, marginibus lateralibus anticis levissime sinuatis, angulis humeralibus paullo prominulis, apice obtusis; scutello fascia lata basali flavo-testacea, valde remote fusco-punctata notato, pone medium subtiliter punctato, apice flavo-testaceo; elytris minus dense subtiliterque punctulatis, limbo costali apiceque corii dense et distincte punctatis, rufis (♀) vel corio tantum macula apicali crocea ornato (♂), membrana nigro-fusca; pectore præter limbum pro- et mesostethii posticum angustum utrinque maculis sex croceis notato (♂) vel immaculato (♀), carina mediana mesosterni albida; ventre spina basali, macula basali maculisque utrinque duabus lateralibus croceis (♂) vel flavo-albido, fascia arcuata medio segmenta duo ultima, ad latera utrinque segmenta tertium et quartum occupante, angulis posticis segmenti ultimi segmentisque genitalibus nigris (♀), angulis posticis segmenti ventralis ultimi acute productis; pedibus nigris, femoribus posterioribus vel posticis extus basin versus plus minusve albidis, tibiis anticis apicem versus fortiter dilatatis. ♂. ♀. Long. corp. 9—11, cum membrana 10—12 mill.

Paraguay: Asuncion, VEZÉNYI (Mus. Hung.).

O. tripustulato FABR. affinis, sed scutello in utroque sexu fascia basali lata flavo-testacea, vage fusco-punctata notato, picturis pallidis scutelli et corii discoloribus angulisque apicalibus segmenti ultimi ventralis sat longe acute productis differre videtur. An ne tantum varietas hujus speciei?

Oplomus violaceus DALL. var. *guttula* n.

Cyaneus; pronoto macula parva oblonga discoidali flava notato; spina basali, macula basali medium segmentorum 2—4 occupante et postice puncto nigro signata fasciaque segmenti ultimi ventris flavo-albidis. ♀.

Peruvia: Marcapata. (Mus. Hung.)

Oplomus violaceus DALL. var. *apicalis* n.

Violaceus; capite nigro-æneo; punctis duobus apicalibus striolaque parva utrinque pone medium prope latera pronoti croceis; apice scutelli, spina basali, macula basali medium segmentorum 2—3 occupante et in segmento tertio puncto nigro signata maculisque utrinque duabus lateralibus, una in segmento secundo, altera in segmentis quarto et quinto positis ventris flavo-albidis. ♂.

Peruvia: Callanga. (Mus. Hung.)

Oplomus inermis n. sp.

Cyaneus, nonnihil violaceo-micans, nitidus; puncto basali pallido verticis parvo, jugis vix punctatis, tylo æque longis; pronoto minus dense et sat remote punctato, angulis anticis acutiuscule prominulis, marginibus lateralibus anticis pone medium levissime sinuatis, angulis humeralibus vix prominentibus, rotundatis; scutello basi remote, pone medium subtilius punctato, apice saturate flavo; elytris subtiliter punctulatis, limbo costali corii dense distincteque punctato, membrana fusconigra; ventre disco lævigato, versus latera subtiliter punctato, spina basali, macula basali medium segmentorum 2—3 occupante, posterius in segmento tertio dilatata et puncto nigro notata maculaque utrinque laterali in segmentis quarto et quinto posita saturate flavis, angulis posticis segmenti ultimi parum productis; pedibus nigro-æneis, femoribus anticis subtus spina destitutis et tantum tuberculo instructis, tibiis anticis apicem versus leviter dilatatis. ♂. Long. corp. 9½, cum membrana 11 mill.

Peruvia: Callanga. (Mus. Hung.)

O. violaceo DALL. affinis, sed pronoto et basi scutelli fortius punctatis, angulis apicalibus illius acutiuscule prominulis, angulis humeralibus vix prominentibus et magis rotundatis, femoribus anticis subtus spina destitutis tibiisque anticis minus dilatatis differt. Ab *O. violaceo* DALL. var. *apicali* m., cujus picturas imitat, pronoto unicolore, nec non macula basali pallida ventris posterius dilatata maculisque lateralibus pallidis in segmento secundo ventrali deficientibus mox distinguendus.

Oplomus decipiens n. sp.

Nigro-violaceus, nitidus, sat dense distincteque punctatus; capite nigro-æneo, dense punctato, jugis extus basin versus rectis, tylo nonnihil longioribus, gutta basali pallida verticis minuta; pronoto longitudine sua media minus quam duplo latiore, angulis anticis breviter prominulis, marginibus lateralibus anticis ante medium levissime rotundatis et pone medium levissime sinuatis, angulis humeralibus parum prominentibus, apice rotundatis; scutello basin versus sat remote punctato; membrana fusco-nigra, æneo-nitente; ventre subtiliter punctato, spina basali, macula basali media segmenta 2—4 occupante et in segmentis tertio et quarto punctis singulis nigris notata limboque postico medio segmenti ultimi albedo-flavis; tibiis anticis apicem versus leviter dilatatis. ♀. Long. corp. 10, cum membrana 11, Lat. inter ang. hum. 5¾ mill.

Argentina: Tucuman, VEZÉNYI. (Mus. Hung.)

O. violaceo DALL. valde affinis, sed corpore supra sat dense distincteque punctato, statura minore et angustiore, macula basali flava ventris etiam in segmentum quartum extensa, spina femorum anticorum graciliore tibiisque anticis apicem versus minus dilatatis divergens.

Oplomus lunula n. sp.

Nigro-æneus, nitidus; capite basi distincte punctato, jugis fere impunctatis, brevissime griseo-puberulis et tylo paullo brevioribus, vertice gutta basali pallida minuta notato; pronoto longitudine sua media minus quam duplo latiore, minus dense, sed fortiter punctato, angulis anticis extrorsum prominulis, marginibus lateralibus anticis pone medium levissime sinuatis, angulis humeralibus paullo prominentibus, obtusis; scutello basi valde remote et fortiter, pone medium autem densius et subtilius punctato, limbo apicali albido; elytris subtiliter, limbo costali et apice corii densius et fortius punctatis, membrana fusco-nigra; ventre dense distincteque punctato, spina basali maculaque basali medium segmentorum secundi et tertii occupante, postice dilatata, croceis; tibiis anticis nigro-violaceis, apicem versus jam a basi sensim dilatatis. ♂. Long. corp. 9, cum membrana 10½, Lat. inter. ang. hum. 5½ mill.

Paraguay: Asuncion, VEZÉNYI. (Mus. Hung.)

O. violaceo DALL. var. *apicali* m. similis, sed statura angustiore, pronoto, scutello et ventre densius et fortius punctatis spina femorum anticorum paullo majore et graciliore tibiisque anticis jam a basi sensim dilatatis differt.

Oplomus arcifer n. sp.

Niger, nitidus; capite dense distincteque punctato, jugis tylo æque longis; pronoto remote distincteque punctato, limbis latis antico et lateralibus anticis flavo-albidis, angulis anticis parum prominulis, marginibus lateralibus anticis versus medium nonnisi levissime sinuatis; scutello basi remote et distincte, pone medium minus remote et subtilius punctato; elytris sat dense subtiliterque punctatis, punctis limbi costalis corii densioribus et majoribus, membrana fusco-nigra; ventre fere impunctato, tantum versus latera punctis nonnullis subtilibus obsito, spina basali, macula magna basali medium segmentorum 2—4 occupante et in segmentis tertio et quarto maculis singulis parvis rotundatis nigris notata fasciaque apicali arcuata antrorsum utrinque fere usque ad angulos basales segmenti quarti producta albidis, angulis posticis segmenti ultimi modice productis, angulis his segmentorum reliquorum vix pro-

minulis; tibiis anticis apicem versus leviter dilatatis. ♀. Long. corp. 11½, cum membrana 12½ mill.

Peruvia: Callanga. (Mus. Hung.)

Species hæc jam de pictura singulari pronoti facile cognoscenda.

Oplomus salamandra BURM. var. *mimus* n.

Supra niger, limbis antico et lateralibus anticis vittaque mediana, sæpe retrorsum angustata vel evanescente pronoti, basi et apice scutelli, basi elytrorum, nec non apice, plerumque etiam limbo costali corii rubris, rufo-testaceis vel albidis; foveolis duabus basalibus scutelli nigris. ♀.

Peruvia: Callanga; Bolivia. (Mus. Hung.)

O. marginuli WESTW. simillimus, sed pictura ventris mox distinguendus.

Oplomus lepidus n. sp.

Supra obscure violaceus, nitidus; capite nigro-cyaneo, subtilissime punctulato, jugis tylo æque longis; antennis, rostro et pectore nigris; pronoto remote distincteque punctato, limbis antico et lateralibus anticis rubris, angulis anticis nigris, angulis humeralibus obtusis; scutello punctis subtilibus dimidio basali remotis, dimidio apicali autem densis oblecto, apice macula magna rotundata rubra ornato; corio subtiliter punctato, disco fere impunctato, limbo costali et apice dense distincteque punctato; membrana tota nigra; connexivo rubro, macula basali segmentorum nigra, angulis posticis externis segmentorum quatuor ultimorum acute prominulis; ventre cum spina basali rubro, macula parva utrinque laterali segmentorum tertii et quarti, macula semilunari media communi segmentorum quinti et sexti lateribusque segmenti ultimi nigris; pedibus nigro-violaceis, tibiis anticis apicem versus jam a basi sensim fortiter dilatatis. ♀. Long. 12 mill.

Panama: Chiriqui. (Mus. Hung.)

Primo intuitu *O. pulchro* DALL. simillimus, sed macula rubra tantum apicem scutelli occupante, connexivo rubro-maculato, ventre magnam ad partem rubro, angulis posticis segmentorum ultimorum abdominalium acute prominulis tibiisque anticis jam a basi dilatatis differt. Ab *O. marginuli* WESTW., cui connexivo rubro-maculato et ventre magnam ad partem rubro affinis est, præter picturas corporis pronoto minus dense punctato, angulis posticis segmentorum abdominalium acute prominulis tibiisque anticis fortius dilatatis divergit.

Oplomus punctatus MONTD. var. *detersus* n.

Pronoto, scutello et corio flavescensibus vel rufo-testaceis; pronoto toto pallido, impicto; scutello macula parva basali media, interdum bipartita, lituraque discoidali nigris notato; plaga magna interna corii, interdum in lituram parvam discoidalem pone medium positam diminuta, nigra. ♀.

Argentina: Tucuman, VEZÉNYI; Bolivia: Coroico. (Mus. Hung.)

Oplomus stellatus DIST. est tantum mas *O. punctati* MONTD.

Oplomus pulchriventris n. sp.

Rufus, sat remote subtiliter punctatus, nitidus; basi ima verticis margineque apicali imo jugorum et tyli cum antennis æneo-nigris; jugis tylo æque longis; rostro pallescente, articulo secundo nigricante, articulo quarto nigro; pronoto vittis duabus mediis a basi usque ad cicatrices extensis et antrorsum nonnihil angustatis nigris notato, angulis anticis paullo extrorsum productis, marginibus lateralibus anticis versus medium distincte sinuatis, angulis humeralibus sat prominulis; scutello vitta mediana æneo-nigra, retrorsum pone medium extensa notato, vitta hac basi ipsa utrinque versus latera anguste producta et guttula media rufa signata; elytris æneo-nigris, limbo costali apice introrsum dilatata vittaque obliqua interna corii rufis, membrana subhyalina, pallida, basi et vitta media fuscis; connexivo æneo-nigro, angulis posticis segmentorum ultimorum acute prominulis; picturis pectoris, fasciis basalibus lateralibus segmentorum ventralium, segmento ultimo excepto, segmentisque genitalibus viridi-æneis; pedibus rufis, basi et apice femorum, lineis percurrentibus tibiarum tarsisque æneo-nigris, tibiis anticis apicem versus parum dilatatis. ♀. Long. corp. 8, cum membrana 9 mill.

Argentina: Tucuman, VEZÉNYI. (Mus. Hung.)

O. punctato MONTD. haud dissimilis, sed capite, pectore et pedibus pallidis, pronoto et scutello subtiliter punctatis, marginibus lateralibus anticis illius distincte sinuatis, angulis humeralibus minus obtusis, membrana maximam ad partem subhyalina, angulis posticis segmentorum ultimorum connexivi acute productis picturisque ventris differt.

Platynopus calliger n. sp.

Obscure æneo-viridis, dense fortiterque punctatus, nitidulus, corio (limbo costali excepto) minus dense subtilissimeque punctulato, opaco; antennis fuscis, articulo primo cyaneo-nigro, articulis tribus apicalibus

basi late flavo-testaceis; rostro nigro-piceo; pronoto ubique punctato, angulis anticis antrorsum prominulis maculisque sex parvis, duabus anterioribus, quatuor oblongis mox pone medium transversim dispositis, callosis, flavis, marginibus lateralibus anticis haud callosis, ruga destitutis, angulis humeralibus in spinam cylindricam, horizontalem, apice bifidam extrorsum productis; scutello maculis quatuor rotundatis, duabus in angulis basalibus, duabus lateralibus mox ante medium, callosis, stramineis notato, apice stramineo, punctato; elytris nigris, corio apice stramineo, membrana nigro-fusca, fascia subapicali decolore prædita; margine antico prostethii, macula laterali mesostethii, limbo postico externo metastethii maculisque irregularibus parvis pectoris ad coxas flavis, partim callosis; ventre disco lævigato, spina basali, macula basali media transversa segmenti tertii maculaque parva discoidali segmentorum quarti et quinti flavis, vitta utrinque laterali postica segmentorum secundi, quarti et quinti maculisque duabus rotundatis segmenti sexti flavis, callosis; pedibus nigro-violaceis, tibiis anticis apicem versus sat fortiter dilatatis, posterioribus distincte sulcatis, intermediis (basi apiceque exceptis) flavo-testaceis. ♂. Long. corp. 10, cum membrana 11 mill.

Insula Talaur Moluccarum. (Mus. Hung.)

P. dalpaloidi VOLL. (*tagalico* STÅL) valde affinis, sed colore corporis, antennarum et pedum, pronoto et ventre maculis et fasciis callosis ornatis, margine antico illius poue oculos impunctato, calloso membranaque fascia subapicali decolore prædita distinctus videtur.

Platynopus carbonarius n. sp.

Totus niger, dense et fortiter punctatus, subnitidus, elytris (limbo costali corii densius punctato excepto) fere impunctatis, opacis; antennarum articulo secundo fusco, articulo tertio annulo basali angusto, articulis quarto et quinto annulo basali latiore albido ornatis; pronoto ubique punctato, angulis anticis antrorsum parum prominulis, marginibus lateralibus anticis haud callosis, nec ruga subtili instructis, angulis humeralibus in spinam crassiusculam horizontalem, apice bifidam extrorsum productis; scutello pone medium carina longitudinali lævigata instructo; membrana fusco-nigra, fascia subapicali decolore notata; ventre disco lævigato; tibiis anticis apicem versus fortiter dilatatis, posterioribus distincte sulcatis. ♀. Long. corp. 13½, cum membrana 15 mill.

Java meridionalis. FRUHSTORFER. (Mus. Hung.)

Species hæc ab affinibus jam de colore toto nigro, statura majore spinisque lateralibus pronoti paullo brevioribus mox distinguenda.

Cantheconidea formosa n. sp.

Capite, pronoto, scutello et connexivo læte viridi-æneis; capite dense subtiliterque punctato; antennis nigris, articulo primo superne, articulo quarto basi sat late dimidioque basali articuli quinti flavo-testaceis; pronoto dense et fortiter punctato, punctis ante et prope cicatrices densioribus et subtilioribus, marginibus lateralibus anticis angustissime pallidis, callosis, medio distincte sinuatis, ante medium leviter rotundatis et obtuse crenulatis, angulis humeralibus extrorsum et non-nihil antrorsum longe productis, prope apicem posterius angulato-emarginatis et apice spina acuta nigra terminatis; scutello dense fortiterque punctato, prope angulos basales impressos striola minuta pallida notato, pone medium obsolete carinato, apice flavo-testaceo et punctis remotis concoloribus obsito; elytris sordide testaceis, obscuratis, minus remote et subtiliter nigro-punctatis, limbo costali corii punctis viridi-æneis distinctioribus dense oblecto, membrana nigro-fusca, pone medium utrinque macula laterali magna decolore notata; connexivo dense subtiliterque punctato, angulis posticis segmentorum acutiuscule productis; corpore subtus cum rostro et pedibus sordide flavo-testaceo, pectore lateribusque ventris sat dense et distincte punctatis, maculis et lituris illius angulisque basalibus segmentorum ventralium viridi-æneis, segmento ventrali ultimo macula basali media nigra signato; femoribus nigro-conspersis, tibiis anticis superne apicem versus sensim dilatatis, parte dilatata subtiliter nigro-conspersa, tibiis omnibus superne per totam longitudinem distincte et late sulcatis, basin versus in sulco viridi-æneis. ♂. Long. corp. 11⁸/₄, cum membrana 13¹/₂ mill.

Formosa: Kosempo, SAUTER. (Mus. Hung.)

C. furcellatae WOLFF affinis, sed capite, pronoto, scutello et connexivo viridi-æneis, jugis apice extus fortius rotundatis, articulis secundo et tertio antennarum totis nigris, scutello maculis basalibus pallidis majoribus destituto, nec non femoribus et tibiis apice pallidis divergit.

Pinthæus humeralis n. sp. (Fig. 1.)

Fusco-testaceus, dense distincteque punctatus, nitidus; capite sat angusto, parte anteoculari longitudine sua vix latiore, basi vittisque duabus mediis fortiter punctatis, nigris, parte exteriori jugorum fere impunctata; pronoto anterius valde declivi, lævigato et impressionibus nigris, confluentibus, fortius punctatis instructo, posterius nigro-punctato, angulis anticis antrorsum acutiuscule prominulis, marginibus lateralibus anticis medio leviter sinuatis, ante medium irregulariter crenulatis,

angulis humeralibus in lobum validum, latiusculum, extrorsum et non-nihil retrorsum vergentem, apice rotundatum productis; scutello nigro-punctato, maculis duabus basalibus lateralibus rugaque mediana postica impunctatis, callosis; elytris dense et subtiliter punctatis, membrana fusciscente; segmentis connexivi basi et apice æneo-nigris; pectore lituris irregularibus parvis nigro-æneis signato; ventre flavo-testaceo, maculis singulis mediis et angulis basalibus segmentorum, vittis utrinque duabus lateralibus subinterruptis spiraculisque nigris, disco impunctato, lævigato; rostro et pedibus testaceis, tibiis anticis apicem versus modice dilatatis. ♀. Long. corp. 15, cum membrana 16 $\frac{1}{2}$, Lat. inter. ang. hum. pronoti 11 $\frac{2}{3}$, ad basin elytrorum 8 $\frac{1}{4}$ mill.

Fig. 1. *Pinthæus humeralis* n. sp.

China meridionalis: Yun-nan, Tali. (Mus. Hung.)

Species insignis, a *P. sanguinipede* FABR. stature latiore, jugis extus impunctatis, pronoto anterius calloso et magis declivi, scutello apice concolore, ventre nigro-subvittato et præsertim angulis humeralibus in processum validum productis distinctissima.

Antenæ exempli descripti desunt.

Glypsus (Epi-glypsus) nigripes n. sp.

Supra sordide testaceus, dense fortiterque nigro-punctatus; parte anteoculari capitis nigra, subtiliter punctata, apice leviter reflexa; antennis et rostro nigris, illarum articulis tribus ultimis apice, articulis quarto et quinto etiam basi ochraceis; pronoto rugoso-punctato, marginibus lateralibus anticis et angulis humeralibus nigris, angulis his productis, apice obtusis et posterius prope apicem denticulo obsoleto instructis; scutello et corio (subtiliter punctato) maculis irregularibus parvis, lævigatis pallidis signatis; membrana nigro-fusca; corpore subtus cum connexivo et pedibus nigro, lateribus pectoris et ventris hic illic obsoletissime luteo-nebulosis; tibiis anticis apicem versus leviter dilatatis. ♀. Long. corp. 16, cum membrana 18 mill.

Madagascar. (Mus. Hung.)

A *G. truculento* WALK., qui ad idem subgenus pertinet, statura majore, parte anteoculari capitis, marginibus lateralibus anticis pronoti, connexivo, pectore, ventre et pedibus nigris, articulo quinto antennarum apice ochraceo angulisque humeralibus posterius prope apicem denticulo obsoleto instructis divergit.

Podisus (Tylospilus) peruvianus n. sp.

Flavo-testaceus, supra nonnihil in ferrugineum vergens, distincte punctatus, nitidiusculus; capite dense subtiliterque punctato, vitta mediana antrorsum plus minusve abbreviata eburnea notato; articulo secundo antennarum articulo tertio multo longiore; pronoto linea mediana posterius evanescente callisque duobus parvis, extus pone cicatrices positus, eburneis prædito, marginibus lateralibus anticis rectis, angulis humeralibus rectangularibus, in spinam haud productis; maculis tribus basalibus (media striiformi), vitta laterali obsoleta ante medium limboque apicali scutelli eburneis, callosis; corio pone medium macula parva rotundata nigra notato; membrana hyalina. ♀. Long. corp. $7\frac{1}{2}$ — $8\frac{1}{2}$, cum membrana 8 — $9\frac{1}{4}$ mill.

Peruvia: Callanga, Madre de Dios. (Mus. Hung.)

A reliquis speciebus subgeneris *Tylospilus* STÅL jam angulis humeralibus rectis, in spinam acutam haud productis facillime distinguendus.

Tynacantha sanguinolenta n. sp.

Superne æneo-viridis, dense et subtiliter punctata, nitida, subtus cum antennis, rostro et pedibus rubra; tylo apice levissime reflexo, jugis apice extus late rotundatis; articulo primo rostri paullo pone basin capitis extenso; pronoto carina mediana percurrente subtilissima instructo, marginibus lateralibus anticis callosis rubris, angulis anticis extrorsum distincte ultra oculos prominulis; scutello basi convexiusculo; margine costali corii basin versus rubro; membrana nigro-fusca, prope apicem utrinque macula marginali hyalina notata; connexivo rubromarginato; pectore et ventre picturis nigris ut in *T. marginata* DALL. signatis. ♀. Long. corp. $13\frac{1}{2}$, cum membrana $14\frac{1}{2}$ mill.

Brasilia: Rio Grande do Sul. (Mus. Hung.)

T. marginatae DALL. valde affinis, differt statura majore, colore antennarum, rostri, pedum, paginæ inferioris et marginum corporis rubro, jugis apice extus latius rotundatis, articulo basali rostri longiore, pronoto medio subtiliter carinato, angulis hujus anticis extrorsum ultra oculos prominulis scutelloque basin versus convexiusculo.

Tynacantha marginata DALL. var. *cyanescens* n.

Pronoto (marginibus lateralibus anticis exceptis), scutello, clavo et corio (excepto margine costali basin versus) atro-cyanis; ceteris ut in typo. ♂

Peruvia: Marcapata. (Mus. Hung.)

VII. DE GENERE COREIDARUM SCHROEDERIA SCHMIDT.

Clar. Dom. EDM. SCHMIDT nuperrime (Deutsch. Ent. Zeitschr. 1911. p. 568) genus novum Coreidarum sub nomine *Schroederia* descripsit. Ad hanc descriptionem, solum secundum feminam unicam speciei typici factam, liceat mihi notas genericas maris huc proferre:

Fig. 2. *Schroederia trilineata* SCHMIDT. Tibia postica maris (a) et feminæ (b).

Femora postica subtus intus pone medium spina valida, latus interius tiliarum tangente, armata. Tibiæ posticæ ante medium in dentem magnum dilatatæ (fig. 2a). Venter inermis, tuberculis destitutus.

Specimina duo (♂ et ♀) in Sumatra occidentali: Padang Pandjang lecta *Schroederia trilineata* SCHMIDT in Museo Nationali Hungarico asservantur.